


Vorlage Staatsarchiv Wertheim
Findbuch

G - Rep. 102 Nr 4605

Quellenangabe „Archivverbund Main-Tauber“

Untersuchung des Hans Heuelin aus Remlingen
im Würzburger Schottenkloster auf Besessenheit und Zauberei


1516



Jorg graue
zu Wertheim

Vnnsern grus zuuor erwu'diger ande'chtiger be-
sunder lieber. Wir haben ein armen man Hanns
Heueslin gnant. zw .Remlingen sesszhaftig. der mit
einer vnuernunfftigen kranckheit vnd beschwernysz
beladenn.dweyl nun euch als eynem hochgelertenn
vil vor andern bewust gestrichen (vnd dieser kunst mangelung
vnd gbrestenhafft der menschen ersarm) begeren wir
an euch gutlich bittende. ir wollennt gegenwertigen
armen besichtigen gestrichen(vnd probirn) was mangels oder gebrechens
der arme an ime habe. das wollen wir vmb euch vnd
deme conuent mit gunstigen willen beschuldenn datum
dinstag nach natunta Marie anno 1516


Rückseite



Deme erwu'digenn ande'chtigenn
hernn.N abbt zu dene Schottn
zw Wurzburg vnnserm libn besündn

Wolgebornur gnediger her euren gnaden sind wir gantz willige
vnd gevlissene dienst mit gantzem vloißzamar gnedigr her nach dem
e.g. ein armen manne Hans Honslin genant da alten Schultrsen
soene tzu Remling haben, der gleich mit einer vnuernufftigen krankhait
vnd beschwernusse boladen, so ist der erwurdig here E.abbt tzu dem,
Schotten tzu Wurtzburg ob ein personne besessen oder bezaubert etwas
ersarn hat mich der gedachte Hansen Heuslins freuntschafft aus alter
fruntschaft angesucht vnd gebetten bey den abbt vmb hilfe vnd rathe
anetzusuchen gebetten, wiewol de abbt sich etliche tzatten der sachen
entschlagt haben ich doch so viel vnd ingeheim mit dem abbt gehandelt
vnd gebetten vnd gleich dem armen tzu gut der massen gehandelt als hat mit
e. g mit ime darumbe tzu handeln beuolhen vnd also dem abbt dahine
bracht vnd bewegt dat man den armt man mit gütte gen Wurtzburg
inheym brengen sol so wol er e.g. tza gefallen mit andern geistlichen
proben die der kunst auch erfarn was mangels oder gebrochens der arme
an ihm habe vnd darin beladen sein hierumbe an e.g. als an meinem
gnedigen hern mein gutlich bitte vnd gut bedancken e.g. wollen
fur den armen an genanttén hern vnd abbt schreyben das er vmb e.g.
willen dosto bessern vleis fur wolt wenden das habe ich e.g. auch
euren armen tzu vnderthenigen dienst mit wollen verhalten dan e.g.
vnd denselbigen aemenleuten tzu dienen, bine ich willig datumt vff dinstag
nach eyeden im vi jare eylente
Georg Fenndt
zu Wurtzburg

Rückseite



Den wolgebornen hern Georg grawn
tzu Werthem vnd hern tzu Breuberg meinen
gnedigen hern

Abt zu den Schotten
zu Wertzburg

transkribiert von Dirk Völkening 2016 <kerstinvoelkening@web.de>
Über Anregungen/Verbesserungen würde ich mich sehr freuen